



Fondacija Udružene žene Banja Luka

Adresa: Kalemegdanska 18, 78000 Banja Luka

Bosna i Hercegovina

Telefon/faks: 051 463 143

Telefon: 051 462 146

E-mail: office@unitedwomenbl.org

Web: <http://www.unitedwomenbl.org>

Ovlaštenja Institucije Ombudmena su propisana Zakonom o Instituciji ombudmena i cilj istih je promovisanje dobre uprave i vladavine prava, kao i zaštita prava i sloboda fizičkih i pravnih lica, u skladu sa garancijama iz Ustava Bosne i Hercegovine i međunarodnih sporazumima koji se nalaze u dodatku Ustava, u vezi čega Institucija ombudmena nadgleda aktivnosti institucija BiH, entiteta i Brčko Distrikta. U skladu sa navedenim, Fondacija Udružene žene“ predlaže da se u toku 2016. godine u Plan rada Institucije, razmotri sljedeće:

1. 1. Definisati prioritete u radu za 2016 godinu:

- **Proširiti unutrašnju strukturu Ombudmena uvođenjem posebnog Odjela za ženska ljudska prava.**

Obrazloženje: Smatramo da je, uzimajući u obzir da žene čine preko 50% populacije BiH i da se njihova prava sistemski i strukturalno krše, kao i da Bosna i Hercegovina nema posebnu Instituciju koja bi se bavila samo ovim pitanjima, osnivanje posebnog Odjela za ženska ljudska prava neophodno. Radom ovog odjeljenja bi trebalo da rukovodi osoba koja ima potrebna znanja, vještine i iskustvo u ovoj oblasti. Smatramo da bi organizacije civilnog društva, a posebno ženske organizacije koje su se dokazale u radu na zaštiti ženskih ljudskih prava, trebalo usko konsultovati pri izboru ove osobe. Promovisanje ženskih ljudskih prava, sačinjavanje i prezentiranje redovnih godišnjih, ali i posebnih izvještaja u ovoj oblasti, a naročito postupanje po pojedinačnim predstavkama predmet kojih su kršenja ženskih ljudskih prava, u mnogome bi unaprijedilo položaj žena žrtava nasilja i diskriminacije, ali i kvalitet rada Institucije.

- **Analizirati i ukazati na ključne prepreke za dosljedno ispunjavanje obaveza koje je Bosna i Hercegovina preuzela ratifikacijom Konvencije Savjeta Evrope o sprečavanju i suzbijanju nasilja prema ženama i nasilja u porodici i na ključne uzroke nefunkcionisanja vlasti kod donošenja odluka koje se tiču nasilja prema ženama.**

Obrazloženje: I pored obimne pravne regulative, žene u BiH su i dalje žrtve nasilja, diskriminacije i eksploatacije. Uspostavljena rješenja se nedovoljno i neblagovremeno koriste,

sistem funkcionisanja sigurnih kuća je ugrožen usljed neefikasnog sistema finansiranja, zaštitne mjere se samo sporadično izriču, reakcija službenih lica koja sprovode ove zakone je i dalje opterećena ličnim stavovima i stereotipnim shvatanjima.

- **Fokusirati se na obaveze koje su za institucije BiH, entiteta i Brčko Distrikta propisane Zakonom o ravnopravnosti polova u BiH.**

Obrazloženje: Neophodno je da Institucija koja ima mandat da nadgleda aktivnosti institucija BiH, entiteta i Distrikta Brčko, po službenoj dužnosti istraži da li su i na koji način ove Institucije udovoljile i izvršavaju svoje obaveze uspostavljene Zakonom o ravnopravnosti polova. Posebnu pažnju bi trebalo posvetiti oblasti političkog i javnog odlučivanja i učešću žena u svim tijelima vlasti i upravljanja.

2. Oblasti saradnje i prijedlog aktivnosti gdje vide moguću saradnju sa Institucijom ombudsmena za ljudska prava BiH:

-Unaprijediti rad na promociji ženskih ljudskih prava kroz zajednička istraživanja, analize, monitoring i sačinjavanje specijalnih izvještaja (nasilje prema ženama – nasilje u porodici, žene žrtve rata, učešće žena na mjestima odlučivanja).

Obrazloženje: Organizacije civilnog društva koje se bave promocijom ženskih ljudskih prava ali i pružaju direktnu podršku i pomoć i realizuju posebne mjere zaštite namijenjene prije svega ženama, osim što imaju već izgrađen kapacitet, u stalnom su kontaktu sa ženama žrtvama različitih oblika diskriminacije i nasilja i raspolažu informacijama i podacima, te se nalaze na izvoru informacija i znaju koji su kritični problemi koji zahtijevaju djelovanje.

3. Prijedlog modela saradnje između Institucije ombudsmena za ljudska prava BiH i vase organizacije / koalicije / mreže:

-održavanje periodičnih sastanaka sa organizacijama civilnog društva;

-organizovanje zajedničkih aktivnosti (promocije, edukacije, savjetovanja itd);

-uključivanje u obilježavanje značajnih datuma (npr. 16 dana aktivizma protiv rodno zasnovanog nasilja nad ženama, 8. Mart, Međunarodni dan žena I dr).

Nada Golubović

Predsjednica Upravnog odbora